

**KJKP „GRADSKI SAOBRAĆAJ“ d.o.o. SARAJEVO  
PRIVREMENI UPRAVITELJ**

Broj:

05/486

Datum:

14.11.2017.

Na osnovu člana 86. stav 2) Zakona o javnim nabavkama BiH ( Službeni glasnik BiH br. 39/14), te na osnovu Zaključka Skupštine Kantona Sarajevo broj 01-05-250-24/17 od 31.07.2017 godine i Rješenja Vlade Kantona broj 02-05-26674-1/17 od 31.08.2017 godine, Privremeni upravitelj donosi:

**ODLUKU  
o pokretanju postupka nabavke novih minibusa**

**Član 1**

Odobrava se pokretanje postupka nabavke i to 25 novih minibus vozila za potrebe nesmetanog odvijanja gradskog saobraćaja na području Kantona Sarajevo

**Član 2**

Za realizaciju nabavke iz člana 1 ove Odluke sredstva su obezbjeđena iz tekućeg poslovanja, sredstava namijenjenih za nabavku minibusa Ministarstva saobraćaja Kantona Sarajevo i Općine Stari Grad.

**Član 3**

Okvirna vrijednost nabavke za 25 novih minibus vozila iznosi cca 3.100.000,- BAM, bez uračunatog PDV-a.

**Član 4**

Ugovorni organ će uputiti poziv za učešće nabavke novih minibus vozila na adrese više ponuđača.

**Član 5**

Kriteriji za izbor najpovoljnijeg ponuđača je najniža cijena ponude.

**Član 6**

Ova Odluka stupa na snagu danom donošenja i ista će biti objavljena na web-stranici KJKP „Gradski saobraćaj“ d.o.o. Sarajevo

**OBRAZLOŽENJE**

KJKP „Gradski saobraćaj“ d.o.o. Sarajevo kao ugovorni organ koji obavlja usluge prevoza u gradskom saobraćaju na području Kantona Sarajevo proveo je proceduru utvrđivanja izuzeća od primjene Zakona o javnim nabavkama BiH, a imajući u vidu činjenicu da prema odredbama člana 81. stav 2) pružanje javne usluge autobusnog prevoza nije djelatnost prevoza u smislu odredbi člana 81, ako i drugi subjekti mogu pružati te usluge općenito ili na određenom geografskom području kao i ugovorni organ.

Na području Kantona Sarajevo usluge gradskog prevoza u autobuskom/minibuskom saobraćaju osim KJKP „Gradski saobraćaj“ d.o.o. Sarajevo mogu obavljati i drugi prevoznici pod istim uslovima što nam je potvrdilo i Ministarstvo saobraćaja Kantona Sarajevo svojim aktom broj 04-27-sl./17KM od 27.10.2017 godine.

Ugovorni organ pribavio je mišljenje i od ovlaštenog trenera iz oblasti Javnih nabavki i advokatske kancelarije u kojem je jasno određeno da KJKP „Gradski saobraćaj“ d.o.o. Sarajevo ima pravo na izuzeće od primjene Zakona o javnim nabavkama BiH, kada je riječ o djelatnosti autobusnog/minibusnog prevoza.

Uzimajući u obzir činjenicu da ugovorni organ isključivo vrši uslugu od javnog interesa i da se kao takav nalazi u veoma teškom položaju zbog nedostatka vozila, a ponaročito minibusa za održavanje usluge prevoza na linijama za koje su dodijeljena odgovarajuća Rješenja od strane Ministarstva saobraćaja Kantona Sarajevo.

Zbog pritiska javnosti i činjenice da postoji veći broj žalbi građana, lokalnih zajednica i općina zbog neodržavanja dodijeljenih linija, ukazala se potreba za hitnom obnovom minibuskih vozila.


Trenutni evidentni pad broja vozila iznosi 65%, što zbog starosti vozila, što zbog čestih kvarova jer ista voze po izuzetno teškom terenu i opslužuju padinske dijelove grada.

Sa trenutnim stanjem voznog parka (14 vozila) minibusnog saobraćaja u mogućnosti smo pokriti samo 9 od 41 registrovane linije.

U okviru Zaključaka u aktu «Mjere i aktivnosti za funkcionalan i održiv KJKP «Gradski saobraćaj» d.o.o. Sarajevo, usvojenog od strane Vlade Kantona Sarajevo konstatovano je da sa postojećim kapacitetom voznog parka a ponaročito minibuskih vozila se ne mogu zadovoljiti potrebe održavanja registrovanih redova vožnje, te da je vozni park minibuskih vozila star i amortizovan (prosječna starost minibuskih vozila je 15 godina).

S obzirom na alarmantnu situaciju u obavljanju prevoza minibuskih linija na padinskim dijelovima grada, a imajući u vidu da se nabavka ovih vozila bezuspješno pokušava provesti već duži vremenski period, Privremeni upravitelj u skladu sa svojim ovlaštenjima, mišljenjem advokatske kancelarije, trenera javnih nabavki i Agencije za javne nabavke, a u cilju uspostavljanja brže i efikasnije reakcije po pitanju trenutne nabavke za navedeni segment, a pritom cijeneći niz relevantnih dokumenata na osnovu kojih je rađena analiza, te obezbjeđenja kvalitetnije usluge korisnicima minibusnog saobraćaja uz napomenu da će se nabavka izvršiti uz poštivanje principa transparentnosti, istraživanjem tržišta i prikupljanjem svih relevantnih informacija.

Na osnovu gore navedenog donesena je odluka kao u dispozitivu.



Privremeni upravitelj

Haris Gušić

**Dostaviti:**

- Kabinet privremenog upravitelja
- Ministarstvo saobraćaja Kantona Sarajevo
- Pravna služba
- Odjeljenje javnih nabavki
- a/a